

PL

2537

K8

1886

v. 9

讀雪山房唐詩卷二十 小傳二 目錄一 詩廿七

詩人小傳 十八

牟 融

有贈歐陽詹張籍韓翃諸人詩蓋貞元元和間人也今鈔七律一首

牛僧儒

字思黯隴西人貞元中擢進士第歷相穆敬兩朝封奇章郡公後出爲武昌節度使文宗朝徵入再相夙與李德裕相惡會昌中貶循州長史大中初還爲太子少師卒集五卷今鈔七律一首

李德裕

字文饒趙郡人宰相吉甫子也以蔭補校書郎拜監察御史穆宗卽位擢翰林學士再進中書舍人未幾拜御史中丞牛僧儒李宗閔追怨吉甫出德

裕爲浙江觀察使太和三年召拜兵部侍郎宗閔
秉政復出爲鄭滑節度使踰年徙劔南西川以兵
部尙書召俄拜中書門下平章事封贊皇縣伯宗
閔罷代爲中書侍郎集賢殿大學士鄭注李訓怨
之乃召宗閔拜德裕爲興元節度使入見帝自陳
願畱闕下復拜兵部尙書爲王璠李漢所譖貶太
子賓客分司東都再貶袁州刺史未幾徙滁州開
成初起爲浙西觀察使遷淮南節度使武宗立召
爲門下侍郎同中書門下平章事拜太尉封衛國
公當國凡六年威名獨重於時宣宗卽位罷爲荆
南節度使白敏中令狐絢使黨人構之貶崖州司

戶參軍卒德裕少力學善爲文雖在大位手不去
書會昌一品集二十卷別集十卷外集四卷今鈔

七律一首七絕二首

楊汝士

字慕巢虞卿之從弟元和四年擢進士第牛僧儒

李宗閔待之善引爲中書舍人開成初由兵部侍郎
出鎮東川入爲吏部侍郎終刑部尙書今鈔七
律一首七絕一首

陳羽

江東人登貞元進士第歷官樂宮尉佐今鈔七律

一首七絕一首

李郢

字楚望長安人大中十年第進士官終侍御史今

鈔七律四首七絕二首

王初 并州人仲舒之長子也元和末登進士第今鈔七

律一首

盧宗回 字望淵南海人登元和十年進士第終集賢校理

詩一首

雍陶 字國鈞成都人太和間第進士大中八年自國子

毛詩博士出刺簡州今鈔七律二首七絕七首

崔櫓 大中時舉進士仕爲棣州司馬無機集四卷今鈔

七律二首七絕二首

陳標 長慶二年登進士第終侍御史今鈔七律一首

殷堯藩 蘇州嘉興人元和中登進士第辟李翱長沙幕府

加監察御史又嘗爲永樂令今鈔七律二首

讀雪山房唐詩卷二十

七律目錄三

楊巨源九首

韓愈七首

柳宗元九首

劉禹錫廿六首

王建六首

張籍十二首

賈島三首

姚合七首

牟融一首

白居易廿九首

元稹一首

李紳三首

牛僧儒一首

李德裕一首

楊汝士一首

陳羽一首

顧非熊一首

鮑溶二首

周賀一首

李郢四首

王初一首

盧宗回一首

朱慶餘一首

雍陶二首

薛逢五首

李羣玉二首

紀唐夫一首

崔櫓二首

陳標一首

殷堯藩二首

鳳宗回一首

米芾繪一首

葉剛二首

風賢一首

李凝四首

王維一首

刺匪一首

顏非熊一首

龔密二首

李齡一首

李齡一首

李齡一首

白景長廿一首

元蘇一首

李嶠三首

賈島三首

姚合一首

李嶠一首

陸高慶廿六首

王甄六首

蘇軾十二首

蘇軾一首

韓愈一首

蘇軾一首

李齡日錄三

詩集山房集卷二十

讀雪山房唐詩卷二十

七律 三

長安春望

楊巨源

鳳城春報曲江頭上客年年是勝遊
日暖雲山當廣陌天清絲管在高樓
龍蔥樹色分仙閣縹緲花香泛御溝
桂壁朱門新邸第漢家恩澤問鄼侯

贈張將軍

關西諸將揖容光獨立營門劍有霜
知愛魯連歸海上肯令王翦在頻陽
天晴紅幟當山滿日暮清笳入塞長
年少功高人共羨漢家壇樹月蒼蒼

和侯大夫秋原山觀征人回

詩集山房唐詩卷二
一
兩河戰罷萬方清原上軍回識舊營立馬望雲秋塞靜射鵬
臨水晚天晴戍閑部曲分岐路地遠家鄉寄旆旌聖代止戈
資廟略諸侯不復更長征

送人過衛州

憶昔征南府內遊君家東閣最淹留縱橫聯句長侵曉次第
看花直到秋論舊舉杯先下淚傷離臨水更登樓相思前路
頻回首滿眼青山過衛州

寄中書同年舍人

晴明紫閣最高峯仙掖開簾范彥龍五色天書詞煥爛九重
春殿語從容綵旗應染鑪煙細清佩仍含玉漏重二十年前
同日喜碧霄何路得相逢

薛司空自青州歸朝

天眷君陳久在東歸朝人看大司空黃河岸畔長無事滄海
東邊獨有功已變畏途成雅俗仍過舊里揖秋風一門累葉
凌煙閣次第儀形漢上公

述舊紀勳寄太原李光顏侍中

倚天長劒截雲孤報國縱橫見丈夫五載登壇眞宰相六重
分閫正司徒曾聞轉戰平堅寇共說題詩壓腐儒料敵知幾
在方寸不勞心力講陰符

酬盧員外

謝傅旌旗控上游盧郎罇俎借前籌舜城風土臨清廟魏國
山川在白樓雲寺當時接高步水亭今日又同遊滿筵舊府

言山房詩卷二
二
笙歌在獨有羊曇最淚流

送司徒童子

衛多君子魯多儒七歲聞天笑舞雩光彩春風初轉蕙性靈
秋水不藏珠兩經在口知名小百拜垂髫稟氣殊况復元侯
旌爾善桂林枝上得鸛雛

酒中畱上襄陽李相公

逢吉

韓愈

濁水汙泥清路塵還曾同制掌絲綸眼穿長訝雙魚斷耳熱
何辭數爵頻銀燭未銷窗送曙金釵半墮座添春知公不久
歸釣軸應許閒官寄病身

晉公破賊回重拜台司以詩示幕中賓客愈奉和

南伐旋師泰華東天書夜到冊元功將軍舊壓三司貴相國

新兼五等崇鵷鷺卻歸仙仗裏熊羆還入禁營中長慙典午
非材職得就閒官卽至公

奉酬振武胡十二丈大夫

傾朝共羨寵光頻半歲遷騰作虎臣戎旆暫停辭社樹里門
先下敬鄉人橫飛玉盞家山曉遠蹀金珂塞草春自笑平生
誇膽氣不離文字鬢毛新

奉和庫部盧四兄曹長元日朝回

天仗宵嚴建羽旄春雲送色曉雞號金鑪香動螭頭暗玉佩
聲來雉尾高戎服上趨承北極儒冠列侍映東曹太平時節
難身遇郎署何須歎二毛

左遷至藍關示姪孫湘

言三山房集卷之三
一封朝奏九重天夕貶潮陽路八千欲爲聖朝除弊事肯將
衰朽惜殘年雲橫秦嶺家何在雪擁藍關馬不前知汝遠來
應有意好收吾骨瘴江邊

量移袁州酬張韶州

明時遠逐事何如遇赦移官罪未除北望詎令隨塞雁南遷
纔免葬江魚將經貴部須畱客先惠高文謝起予暫欲繫舟
韶石上上賓虞舜整冠裾

畱別張使君

來往再逢梅柳新別離一醉綺羅春久欽江總文才妙自歎
虞翻骨相屯鳴笛急吹爭落日清歌緩送感行人已知奏課
當徵拜那復淹畱詠白蘋

衡陽與夢得分路贈別

柳宗元

十年顛顛到秦京誰料翻爲嶺外行
伏波故道風煙在翁仲遺墟草樹平
直以疏慵招物議休將文字占時名
今朝不用臨河別垂淚千行便濯纓

同劉二十八哭呂衡州兼寄江陵李元二侍御

衡岳新摧天柱峯士林憔悴泣相逢
祇令文字傳青簡不使功名上景鐘
三畝空畱懸磬室九原猶記若堂封
遙想荆州人物議幾回中夜惜元龍

登柳州城樓寄漳汀封連四州

城上高樓接大荒海天愁思正茫茫
驚風亂颭芙蓉水密雨斜侵薜荔牆
嶺樹重遮千里目江流曲似九迴腸
共來百越

言三山房詩卷三
四
文身地猶是音書滯一鄉

柳州寄丈人周韶州

越絕孤城千萬峯空齋不語坐高春
印文生綠經旬合硯匣
畱塵盡日封梅嶺寒煙藏翡翠桂江秋水露鰕鱗
丈人本是忘機事爲想年來憔悴容

得盧衡州書因以詩寄

臨蒸且莫歎炎方爲報秋來鴈幾行
林邑東迴山似戟牂牁
南下水如湯蒹葭淅瀝含秋雨橘柚玲瓏透夕陽
非是白蘋洲畔客還將遠意問瀟湘

嶺南江行

瘴江南去入雲煙望盡黃茅是海邊
山腹雨晴添象跡潭心

日暖長蛟涎射工巧伺遊人影
颶母偏驚旅客船從此憂來
非一事豈容華髮待流年

柳州峒岷

郡城南下接通津異服殊音不可親
青箬裹鹽歸峒客綠荷包飯趁虛人
鵝毛禦雪縫山罽雞骨占年拜水神
愁向公庭問重譯欲投章甫作文身

別舍弟宗一

零落殘魂倍黯然雙垂別淚越江邊
一身去國六千里萬死投荒十二年
桂嶺瘴來雲似墨洞庭春盡水如天
欲知此後相思夢長在荆門郢樹煙

柳州城西北隅種柑樹

言雪山房唐詩卷二十一
王
手種黃柑二百株春來新葉徧城隅方同楚客憐皇樹不學
荊州利木奴幾歲開花聞噴雪何人摘實見垂珠若教坐待
成林日滋味還堪養老夫

送李尙書鎮滑州

劉禹錫

南徐報政入文昌東郡須才別建章視草名高同蜀客擁旄
年少勝荀郎黃河一曲當城下緹騎千重照路傍自古相門
還出相如今人望在巖廊

送源中丞充新羅冊立使

相門才子稱華簪持節東行捧德音身帶霜威辭鳳闕口傳
天語到雞林煙開鰲背千尋碧日浴鯨波萬頃金想見扶桑
受恩處一時西拜盡傾心

送周使君罷渝州歸郢州別墅

君思郢上吟歸去故自渝南擲郡章
野戍岸邊畱畫舸綠蘿陰下到山莊
池荷雨後衣香起庭草春深綬帶長
只恐鳴騶催上道不容待得晚菰嘗

奉送浙西李僕射赴鎮時在汝州

建節東行是舊遊歡聲喜氣滿吳州
郡人重得黃丞相童子爭迎郭細侯
詔下初辭溫室樹夢中先到景陽樓
自憐不識平津閣遙望旌旗汝水頭

奉送李戶部侍郎自河南尹再除本官歸闕

昔年內署振雄詞今日東都結去思
宮女猶傳洞簫賦國人先詠袞衣詩
華星卻復文昌位別鵠重歸太液池
想到金閨

待通籍一時驚喜見風儀

送蘄州李郎中赴任

楚關蘄水路非賒東望雲山日夕嘉薤葉照人呈夏簞松花
滿盃試新茶樓中飲興因明月江上詩情爲晚霞北地交親
長引領早將元鬢動京華

送分司陳郎中祇召直史館重修三聖實錄

蟬鳴官樹引行車言自成周赴玉除遠取南朝貴公子重修
東觀帝王書常時載筆窺金匱暇日登臨到石渠若問舊人
劉子政如今白首在南徐

荆門道懷古

蜀國山川舊帝畿宋臺梁館尙依稀馬嘶古道行人歇麥秀

空城野雉飛風吹落葉填宮井火入荒陵化寶衣徒使詞臣
庾開府咸陽終日苦思歸

竇朗州見示與澧州元郎中早秋贈答命同作

鄰境諸侯同舍郎芷江蘭浦恨無梁秋風門外旌旗動曉露
庭中橘柚香玉簟微涼宜白晝金笳入暮應清商騷人昨夜
聞鷓鴣不歎流年惜眾芳

松茲渡望峽中

渡頭輕雨灑寒梅雲際溶溶雪水來夢渚草長迷楚望夷陵
土黑有秦灰巴人淚應猿聲落蜀客船從鳥道回十二碧峯
何處所永安宮外是荒臺

洛中寺北見賀監草書題詩

言山房詩卷三
降旛出石頭人世幾回傷往事山形依舊枕寒流從今四海
爲家日故壘蕭蕭蘆荻秋

廣宣上人寄在蜀與韋令公唱和詩卷因以令公手札
答詩示之

碧雲佳句久傳芳曾向成都住草堂振錫常過長者宅披衣
猶帶令公香一時風景添詩思八部人天入道場若許相期
同結社吾家本自有柴桑

酬樂天揚州初逢席上見贈

巴山楚水淒涼地二十三年棄置身懷舊空吟聞
遂賦到鄉翻似爛柯人沈舟側畔千帆過病樹前頭萬木春
今日聽君歌一曲暫憑杯酒長精神

河南王少尹宅燕張常侍白舍人兼呈盧郎中李員外
二副使

將星夜落使星來三省清臣到外臺事重各銜天子詔禮成
同把故人杯捲簾松竹雪初霽滿院池塘春欲回第一林亭
迎好客慇懃莫惜玉山頽

赴蘇州酬別樂天

吳郡魚書下紫宸長安廐吏送朱輪二南風化承遺愛八詠
聲名躡後塵梁氏夫妻爲寄客陸家兄弟是州民江城春日
追隨處共憶東歸舊主人

題于家公主舊宅

樹繞荒臺葉滿池簫聲一絕草蟲悲鄰家猶學宮人髻園客

言
爭偷御菓枝馬埒蓬蒿藏狡兔鳳樓煙雨嘯愁鴟何郎獨在
無恩澤不似當年傅粉時

寄楊八拾遺

聞君前日獨庭爭漢帝偏知白馬生忽領簿書遊太學寧勞
侍從厭承明洛陽本自宜才子海內而今有直聲爲謝同僚
老博士范雲來歲卽公卿

寄朗州溫右史曹長

暫別瑤墀鴛鴦行綵旗雙引到沅湘城邊流水桃花過簾外
春風杜若香史筆枉將書紙尾朝纓不稱濯滄浪雲臺公業
家聲在徵詔何時出建章

奉和裴侍中將赴漢南西別座上諸公

金貂曉出鳳池頭，玉節前臨南雍州。
暫輟洪鑪觀劔戟，還將大筆注春秋。
管絃席上畱高韻，山水途中入勝游。
峴首風烟看未足，便須重拜富民侯。

酬淮南牛相公述舊見貽

少年曾忝漢庭臣，晚歲空餘老病身。
初見相如成賦日，尋爲丞相掃門人。
追思往事咨嗟久，喜奉清光笑語頻。
猶有登朝舊冠冕，待公三人拂埃塵。

再授連州至衡陽酬柳柳州贈別

去國十年同赴召，渡湘千里又分岐。
重臨事異黃丞相，三黜名慙柳士師。
歸日併隨回雁盡，愁腸正遇斷猿時。
桂江東過連山下，相望長吟有所思。

華清宮感舊

王建

塵到朝元邊使急
千官夜發六龍迴
輦前月照羅衣淚
馬上風吹臘炬灰
公主妝樓金鎖澀
貴妃湯殿玉蓮開
有時雲外聞天樂
疑是先皇沐浴來

郭家溪亭

高亭望見長安樹
春草岡西舊院斜
光動綠煙遮岸竹
粉開紅豔塞溪花
野泉聞洗親王馬
古柳曾停貴主車
妝閣書樓傾倒盡
雲山新賣與官家

贈閭少保

髭鬚雖白體輕健
九十三來卻少年
問事愛知天寶日
識人皆在武皇前
玉裝劒佩身長帶
絹寫方書子不傳
侍女常時

教合藥亦聞私地學求仙

上李益庶子

紫煙樓閣碧紗亭上界詩仙獨自行
奇險驅回還寂寞雲山經用始鮮明
藕稍紋縷裁來滑鏡水波濤瀘得清
昏思願因秋露洗幸容階下禮先生

上陽宮

上陽花木不曾秋洛水穿宮處處流
畫閣紅樓宮女笑玉簫金管路人愁
幔城入澗橙光發玉輦登山桂葉稠
曾讀列仙王母傳九天未勝此中游

贈華州鄭大夫

全唐詩作七排刪
中四句作七律

此官出入鳳池頭通化門前第一州
少華山雲當驛起小敷

溪水入城流自來不說雙旌貴恐替長教百姓愁公退晚涼
無一事步行攜客上南樓

贈梅處士

張籍

早聞聲價滿京城頭白江湖放曠情講易自傳新注義題詩
不著舊官名近移馬蹟山前住多向牛頭寺裏行天子如今
議封禪應將束帛請先生

謝裴司空寄馬

驟耳新駒駿得名司空自選寄書生乍離華廐移蹄澀初到
貧家舉眼驚每被閒人來借問多尋古寺獨騎行長思歲旦
沙隄上得從鳴珂傍火城

送李餘及第後歸蜀

十年人詠好詩章今日成名出舉場
歸去惟將新誥牒後來
爭取舊衣裳
山橋晚上蕉花暗
水店晴看芋葉光
鄉里情親
相見日一時攜酒上高堂

寄答秘書王丞

相看頭白來城闕
卻憶漳溪舊往還
今體詩中偏出格
常參官裏每同班
街西借宅多臨水
馬上逢人亦說山
芝閣水曹雖至冷
與君常喜得身閒

寒食內宴二首

朝光瑞氣滿宮樓
綵纛魚龍四面稠
廊下御廚分冷食
殿前香騎逐飛毬
千官盡醉猶教坐
百戲皆呈未放休
共喜拜恩清夜出
金吾不敢問行由

言山房唐詩卷三
三
城闕沈沈向曉寒恩當令節賜餘歡瑞煙深處開三殿春雨
微時引百官寶樹樓前分繡幙彩花廊下映朱欄宮筵戲樂
年年別已得三迴對御看

和裴司空酬蒲城楊少尹

聖朝特重大司空人詠元和第一功擁節高臨襄水上題詩
遠入漢城中共驚向老多年別更憶登科舊日同誰不望歸
丞相府江邊楊柳又秋風

寄和州劉使君

別離已久猶爲郡閒向春風倒酒瓶送客時過沙口堰看花
多在水心亭晚來江氣連城白雨後山光滿郭青到此詩情
應更遠醉中高詠有誰聽

寄蘇州白二十二使君

三朝出入紫微臣頭白金章未老身登第早年同座主莅官
今日是州民閭門柳色煙中遠茂苑鶯聲雨後新此處吟詩
向山寺固應忘卻曲江春

送汀州源使君

曾成趙北歸朝計因拜黃門最好官爲郡暫辭雙鳳闕全家
穩過九龍灘山鄉祇有輸蕉戶水鎮應多養鴨欄地僻尋常
來客少刺桐花發共誰看

送李僕射愬赴鎮鳳翔

由來勲業屬英雄兄弟連營列位同先入賊城擒首惡盡封
筦庫讓元功旌幢獨繼家聲外竹帛新添國史中天子欲收

言言山房詩卷三
秦隴地故教移鎮右扶風

贈賈島

籬落荒涼僮僕饑樂游原上住多時寒驢放飽騎將出秋卷
裝成寄與誰拄杖傍田尋野菜封書乞米趁時炊姓名未上
登科記身屈惟應內史知

寄韓潮州愈

賈島

此心曾與木蘭舟直到天南潮水頭隔嶺篇章來華岳出關
書信過瀧流峯懸驛路殘雲斷海浸城根老樹秋一夕瘴煙
風卷盡月明初上浪西樓

逢博陵故人彭兵曹

曲陽分散會京華見說三年住海涯別後解餐蓬蘽子向前

未識牡丹花偶逢日者教求祿終傍泉聲擬置家
蹋雪攜琴相就宿夜深開戶斗牛斜

酬張籍王建

疏林荒宅古坡前久住還因太守憐
漸老更思深處隱多閑數得上方眠
鼠拋貧屋收田日雁度寒江擬雪天
身事龍鍾應是分水曹芸閣枉來篇

送源中丞使新羅

姚合

赤墀召對使殊方官重霜臺紫綬光
玉節在船清海怪金函開詔拜夷王
雲晴漸覺山川異風便那知道路長
誰得似君將雨露海東萬里灑扶桑

送陳侔赴江陵從事

荆州從事眾皆聞幕下今朝又得君才子何須藉科第男兒
終久要功勳江村竹樹多於草山路塵埃半是雲新什定知
饒景思不應一向賦從軍

送獨孤煥評事赴豐州

東門攜酒送廷評結束從軍塞上行深磧路移惟馬覺斷蓬
風起與鵬平煙生遠戍侵雲色冰疊黃河長雪聲須鑿燕然
山上石登科記裏是閒名

寄東都分司白賓客

闕下高眠過十旬南宮印綬乞離身詩中得意應千首海內
嫌官只一人賓客分司真是隱山泉遶宅豈辭貧竹齋晚起
多無事惟到龍門寺裏頻

寄崔之仁山人

不得之仁消息久秋來體色復何如苦將盃酒判身病狂作
文章信手書官職卑微從客笑性靈間野向錢疏幾時身計
渾無事揀取深山一處居

贈薛奉禮見贈之作

棲棲滄海一耕人詔遣江邊作使君山頂雨餘青到地濤頭
風起白連雲詩成客見書牆和藥熟僧來就鼎分珍重來章
相借問芳名未識已曾聞

送無可往越州

清晨相訪門前立麻屨方袍一少年嬾讀經文求作佛願攻
詩句覓成仙芳春山影花連寺獨夜潮聲月滿船今日送行

言山房詩卷二
三
偏惜別共師文字有因緣

陳使君山莊

牟融

新卜幽居地自偏
士林爭羨使君賢
數椽瀟灑臨溪屋
十畝膏腴附郭田
流水斷橋芳草路
澹煙疏雨落花天
秋來準擬重游此
沈醉何妨一榻眠

自河南經亂關內阻饑兄弟離散各在一處因望月有感聊書所懷寄上浮梁大兄於潛七兄烏江十五兄兼示符離及下邳弟妹

白居易

時難年荒世業空
弟兄羈旅各西東
田園寥落干戈後
骨肉流離道路中
弔影分爲千里雁
辭根散作九秋蓬
共看明月應垂淚
一夜鄉心五處同

酬贈李鍊師見招

幾年司諫直承明今日求真禮上清
曾犯龍鱗容不死欲騎鶴背覓長生
劉綱有婦仙同得伯道無兒累更輕
若許移家相近住便驅雞犬上層城

寄韜光禪師

一山門作兩山門兩寺原從一寺分
東澗水流西澗水南山雲起北山雲
前臺花發後臺見上界鐘聲下界聞
遙想吾師行樂處天香桂子落紛紛

和劉郎中學士題集賢閣

朱閣青山高庳齊與君才子作詩題
傍聞大內笙歌近下視諸司屋舍低
萬卷圖書天祿上一條風景月華西
欲知丞相

言部上房月言卷二
三
優賢意百步新廊不踏泥

編集拙詩成一十五卷因題卷末戲贈元九李二十

一篇長恨有風情十首秦吟近正聲每被老元偷格調長教
短李伏歌行世間富貴雖無分身後文章定有名莫怪氣粗
言語大新排十五卷詩成

重題東壁

日高睡足猶慵起小閣重衾不怕寒遺愛寺鐘欹枕聽香鑪
峯雪捲簾看匡廬便是逃名地司馬仍爲送老官心泰身寧
是歸處故鄉可獨在長安

得行簡書聞欲下峽先以詩寄

朝來又得東川信欲取春初發梓州書報九江聞暫喜路經

三峽想還愁
瀟湘瘴霧加
餐飯
灩澦驚波穩
泊舟欲寄兩行
迎汝淚長江
不肯向西流

送客之湖南

年年漸見南方物
事事堪傷北客情
山鬼趨跳惟一足
峽猿哀怨過三聲
帆開青草湖中去
衣濕黃梅雨裏行
別後雙魚難定寄
近來潮不到湓城

聞楊十二新拜省郎遙以詩賀

文昌新入有光輝
紫界宮牆白粉闥
曉日雞入傳漏箭
春風侍史護朝衣
雪飄歌句高難和
鶴拂煙霄老慣飛
官職聲名俱入手
近來詩客似君稀

江西裴常侍以優禮見待又蒙贈詩輒敘鄙誠用伸感

謝

一從簪笏事金貂每借溫顏放折腰長覺身輕離泥滓忽驚
手重捧瓊瑤馬因回顧雖增價桐遇知音已半焦他日秉鈞
如見念壯心直氣未全銷

行次夏口先寄李大夫

連山斷處大江流紅旆逶迤鎮上游幕下翱翔秦御史軍前
奔走漢諸侯曾陪劒履升鸞殿欲謁旌幢入鶴樓假著緋袍
君莫笑恩深始得向忠州

入峽次巴東

不知遠郡何時到猶喜全家此去同萬里王程三峽外百年
生計一舟中巫山暮足靄花雨隴水春多逆浪風兩片紅旌

數聲鼓使君艤牒上巴東

初到忠州贈李六

好在天涯李使君
江頭相見日黃昏
吏人生梗都如鹿
市井蕭疏只抵村
一隻蘭船當驛路
百層石磴上州門
更無平地堪行處
虛受朱輪五馬恩

初除主客郎中知制誥與王十一李七元九三舍人中
書同宿話舊感懷

閑宵靜話語還悲
聚散窮通不自知
已分雲泥行異路
忽驚鷄鶴宿同枝
紫垣曹署榮華地
白髮郎官老醜時
莫怪不如君氣味
此中來校十年遲

翫月因懷禁中清景偶題

詞山房唐言卷二
秋月高懸空碧外仙郎靜翫禁闌間歲中惟有今宵好海內
無如此地閒皓色分明雙闕膀清光深到九門關遙聞獨醉
還惆悵不見金波照玉山

酬嚴十八郎中見示

口厭含香握厭蘭紫微青瑣舉頭看忽驚鬢後蒼浪髮未得
心中本分官夜酌滿容花色暖秋吟切骨玉聲寒承明長短
君應入莫憶家江七里灘

喜張十八博士除水部員外郎

老何沒後吟聲絕雖有郎官不愛詩無復篇章傳道路空畱
風月在曹司長嗟博士官猶屈亦恐騷人道漸衰今日聞君
除水部喜於身得省郎時

杭州春望

望海樓明照曙霞護江隄白踏晴沙濤聲夜入伍胥廟柳色
春藏蘇小家紅袖織綾誇柿蒂青旗沽酒趁梨花誰開湖上
西南路草綠裙腰一道斜

張十八員外以新詩二十五首見寄郡樓月下吟翫通
夕因題卷後封寄微之

秦城南省清秋夜江郡東樓明月時去我三千六百里得君
二十五篇詩陽春曲調高難和淡水交情老始知坐到天明
吟未足重封轉寄與微之

西湖畱別

征途行色慘風煙祖帳離聲咽管絃翠黛不須畱五馬皇恩

詩集卷三
只許住三年綠蘿陰下鋪歌席紅藕花中泊妓船處處回頭
盡堪戀就中難別是湖邊

故衫

黯淡緋衫稱老身依然半曳出朱門袖中吳郡新詩本襟上
杭州舊酒痕殘色過梅看欲盡餘香經洗嗅猶存曾經爛熳
三年著欲棄空箱似少恩

送東都畱守令狐尙書赴任

翠華黃屋未東巡碧洛青嵩付大臣地稱高情多水竹山宜
閒望少風塵龍門卽擬爲遊客金谷先憑作主人歌酒家家
花處處莫空管領上陽春

覽盧子蒙侍御舊詩多與微之唱和感今傷昔因贈子

蒙題於卷後

早聞元九詠君詩恨與盧君相識遲今日逢君開舊卷卷中
多道贈微之相看掩淚情難說別有傷心事豈知聞說咸陽
原上樹已抽三丈白楊枝

九年十一月二十一日感事而作

禍福茫茫不可期大都早退似先知當君白首同歸日是我
青山獨往時顧索素琴應不暇憶牽黃犬定難追麒麟作脯
龍爲醢何似泥中曳尾龜

早春憶遊思黯南莊因寄長句

南莊勝處心常憶借問軒車早晚游美景難忘竹林下好風
爭奈柳橋頭冰消見水多於地雪霽看山盡入樓若待春深

言言山房集卷三
三
始同賞鶯殘花落卻堪愁

病中辱崔宣城長句見寄兼有魴綺之贈因以四韻總而酬之

劉楨病發經旬臥謝眺詩來盡日吟
三道舊誇收片玉一章新喜獲雙金
信題霞綺緘情重酒試銀魴表分深
科第門生滿霄漢歲寒少得似君心

和李中丞與李給事山居雪夜同宿小酌

憲府觸邪峨豸角瑣闥駁正犯龍鱗
那知近地齋居客忽作深山同宿人
一盞寒燈雲外夜數盃溫酌雪中春
林泉莫作多時計諫獵登封憶舊臣

喜入新年自詠

白鬚如雪五朝臣又值新正第七旬老過占他藍尾酒病餘
收得到頭身銷磨歲月成高位比類時流是幸人大厯年中
騎竹馬幾人得見會昌春

夏日與閒禪師林下避暑

落景城西塵土紅伴僧閒坐竹泉東綠蘿潭上不見月白石
灘邊長有風熱惱漸知隨念盡清涼常願與人同每因毒暑
悲親故多在炎方瘴海中

以州宅誇於樂天

元稹

州城迴繞拂雲堆鏡水稽山滿眼來四面常時對屏幃一家
終日在樓臺星河似向簷前落鼓角驚從地底迴我是玉皇
香案吏謫居猶得住蓬萊

言言山房詩卷二
三
憶夜直金鑾承旨

李紳

月當銀漢玉繩低深聽蕭韶碧落齊門壓紫垣高綺樹閣連
青瑣近丹梯墨宣外渥催飛詔草定新恩促換題明日獨歸
花路遠可憐人世隔雲泥

初出淝口入淮

東風百里雪初晴淝口冰開好濯纓野老擁途知意重病夫
拋郡喜身輕人心莫厭如絃直淮水長憐似鏡清回首夕嵐
山翠遠楚郊煙樹隱襄城

宿揚州

江橫渡闊煙波晚潮過金陵落葉秋嘹唳塞鴻經楚澤淺深
紅樹見揚州夜橋燈火連星漢水郭帆檣近斗牛今日市朝

風俗變不須開口問迷樓

贈劉汝州

牛僧儒

粉署爲郎四十春
今來名輩更無人
休論世上昇沈事
且鬪樽前見在身
珠玉會應成咳唾
山川猶覺露精神
莫嫌恃酒輕言語
曾把文章謁後塵

謫嶺南道中

李德裕

嶺水爭分道路迷
桃榔椰葉暗蠻溪
愁衝毒霧逢蛇草
畏落沙蟲避燕泥
五月畬田收火米
三更津吏報潮雞
不堪腸斷思鄉處
紅槿花中越鳥啼

楊僕射於陵自東洛入覲侍郎嗣復率兩榜生徒大宴
於新昌里第

楊汝士

詩雪山房唐詩卷二十一
隔座應須賜御屏盡將仙翰入高冥文章舊價畱鸞掖桃李
新陰在鯉庭再歲生徒陳賀宴一時良史盡傳馨當時疏傳
雖云盛詎有茲筵醉醪醑

送友人及第歸江東

陳羽

五陵春色泛花枝心醉花前遠別離落第恥爲關右客盛名
空羨里中兒都門雨歇愁分處山店燈殘夢到時家住洞庭
多釣伴因來相賀語相思

長安清明言懷

顧非熊

明時帝里遇清明還逐遊人出禁城九陌芳菲鶯自囀萬家
車馬雨初晴客中下第逢今日愁裏看花厭此生春色來年
誰是主不堪憔悴更無成

送薛補闕入朝

一作鮑防詩

鮑溶

平原門下十餘人獨受恩多未殺身每歎陸家兄弟少更憐
楊氏子孫貧柴門已斷施行馬魯酒那能醉近臣賴有軍中
遺令在猶將談笑對風塵

夏日懷杜棕駙馬

五月清涼簫史家瑤池分水種菱花回文地簟龍鱗浪交鑠
天窗蟬翼紗閒遣清琴飛小雪自看碧玉破甘瓜仍聞聖主
知書癖鳳閣燒香對五車

上陝府姚中丞

周賀

此心長愛狎禽魚仍候登封獨著書領郡只嫌生藥少在官
長恨與山疏成家盡是經綸後得句應多諫諍餘見說養真

言山房詩卷二
三
求退靜溪南泉石許同居

贈羽林將軍

李郢

虬鬚顚額羽林郎曾入甘泉侍武皇
鵬沒夜雲知箭重馬隨仙仗識天香
五湖歸去孤舟月六國平來兩鬢霜
唯有桓伊江上笛臥吹三弄送殘陽

上裴晉公

四朝憂國鬢如絲龍馬精神海鶴姿
天上玉書傳詔下陣前金甲受降時
曾經庾亮三秋月下盡羊曇一局棋
惆悵舊堂局綠野夕陽無限鳥飛遲

友人適越路過桐廬寄題江驛

桐廬縣前洲渚平桐廬江上晚潮生
莫言獨有山川秀過日

仍聞官長清麥隴虛涼當水店鱸魚鮮美稱蓴羹王孫客棹
殘春去相送河橋羨此行

傷賈島無可

卻到京師事事傷惠休歸寂賈生亡何人收得文章篋獨我
來經苔蘚房一命未霑爲逐客萬緣初盡別空王蕭蕭竹塢
斜陽外葉覆閑階雪擁牆

送葉秀才

王初

快騎璚瓏刻玉羈河梁返照上征衣層冰春近蟠龍起九澤
雲閑獨鶴飛行想北山清夢斷重游西洛故人稀漢庭狗監
深知已有日前驅負弩歸

登長安慈恩寺塔

盧宗回

言言山房詩卷三
三
東方曉日映翔鸞西轉蒼龍拂露盤渭水寒光搖藻井玉峯
晴色上朱闌九重宮闕參差見百二山河表裏看暫輟去蓬
悲不定一憑金界望長安

題章正字孝標道正新居

朱慶餘

獨在御樓南畔住生涯還似舊時貧全無竹可侵行逕一半
花猶屬別人吟處不妨嫌鼓鬧眼前惟稱與僧鄰近來漸覺
青莎巷車馬過從已有塵

晴詩

雍陶

晚虹斜日塞天昏一半山川帶雨痕新水亂侵青草路殘煙
猶傍綠楊村胡人羊馬休南牧漢將旌旗在北門行子喜聞
無戰伐閒看游騎獵平原

經杜甫舊宅

浣沙溪裏花多處爲憶先生在蜀時
萬古只應畱舊宅千金無復換新詩
沙崩水檻鷗飛盡樹壓村橋馬過遲
山月不知人事變夜來江上與誰期

金城宮

薛逢

憶昔明皇初御天玉輿頻此駐神仙
龍盤藻井噴紅豔獸坐金牀吐碧煙
雲外笙歌岐薛醉月中臺榭后妃眠
自從戎馬生河洛深鎖蓬萊一百年

宮詞

十二樓中盡晚妝望仙樓上望君王
玉鎖銜金獸連環冷水滴銅龍刻漏
長雲鬢罷梳還對鏡羅衣欲換更添
香遙窺正殿

簾開處袍袴宮人掃御牀

漢武宮詞

漢武清齋夜築壇自斟明水醮仙宮
殿前玉女移香案雲際金人捧露盤
絳節幾時還入夢碧桃何處更驂鸞
茂陵煙雨埋弓劒石馬無聲蔓草寒

開元後樂

莫奏開元舊樂章樂中歌曲斷人腸
邠王玉笛三更咽虢國金車十里香
一自犬戎生薊北便從征戰老汾陽
中原駿馬搜求盡沙苑年來草又芳

送靈州田尙書

陰風獵獵滿旌竿白草颼颼劒戟攢
九姓羌渾隨漢節六州

蕃落從戎鞍霜中入塞琱弓響月下翻營玉帳寒今日路傍
誰不羨穰苴門戶慣登壇

黃陵廟

李羣玉

小姑洲北浦雲邊二女明妝自儼然野廟向江春寂寂古碑
無字草芊芊風迴日暮吹芳芷月落山深哭杜鵑猶似含顰
望巡狩九疑如黛隔湘川

寄長沙許侍御

三年文會此追隨和遍南朝宮體詩未以彩毫還郭璞乞畱
殘錦與邱遲竹齋琴酒歡成夢水寺煙霞賞對誰今日秋風
滿湘浦祇應搔首詠瓊枝

送溫庭筠尉方城

紀唐夫

言言山房集卷三
三
何事明時泣玉頻
長安不見杏園春
鳳凰詔下雖沾命
鸚鵡才高卻累身
且盡醪醑銷積恨
莫辭黃綬拂行塵
方城若比長沙路
猶隔千山與萬津

過蠻溪渡

崔櫓

綠楊如髮雨如烟
立馬危橋獨喚船
山口斷雲迷舊路
渡頭芳草憶前身
身隨遠道徒悲梗
詩賣明時不直錢
歸去楚臺還有計
釣船春雨日高眠

春日卽事

一百五日又欲來
梨花梅花參差開
行人自笑不歸去
瘦馬獨吟真可哀
杏酪漸香鄰舍粥
榆煙將變舊鑪灰
畫橋春暖清歌夜
肯信愁腸日九迴

放榜日獻諸先輩

陳標

春官南院院牆東地色初分月色紅
文字一千重馬擁喜歡三十二人同
眼看魚變辭凡水心逐鶯飛出瑞風
莫怪雲泥從此別總會惆悵去年中

和趙相公登鸛雀樓

殷堯藩

危樓高架沈寥天上相閒登立綵旃
樹色到京三百里河流歸漢幾千年
晴峯聳日當周道秋穀垂花滿舜田
雲路何人見高志最看西面赤欄前

友人山中梅花

南國看花動遠情沈郎詩苦瘦容生
鐵心自擬山中賦玉笛誰將月下橫
臨水一枝春占早照人千樹雪同清
好風吹醒

羅浮夢莫聽空林翠羽聲

南國春深無別思
清風吹送客愁來
雲心自與山相共
山色空含水自清

山人山中歌

山翁山裏山中人
山色山光山氣清

山翁山裏山中人
山色山光山氣清
山翁山裏山中人
山色山光山氣清

山翁山裏山中人
山色山光山氣清
山翁山裏山中人
山色山光山氣清

山人山中歌

山人山中歌

山人山中歌

山人山中歌
山人山中歌
山人山中歌
山人山中歌

山人山中歌
山人山中歌
山人山中歌
山人山中歌

讀雪山房唐詩卷二十終

山人山中歌

讀雪山房唐詩卷二十一 小傳四 目錄一 詩三十二

詩人小傳 十九

姚鵠 字居雲蜀人登會昌三年進士第今鈔七律一首

盧肇 字子發袁州人會昌三年登第初爲鄂岳盧商從事除著作郎遷倉部員外郎充集賢院直學士咸

通中出知歙州移宣池吉三州卒賦集八卷詩文集十三卷今鈔七律一首

秦韜玉

字仲明京兆人中和二年得准敕及第僖宗幸蜀

以工部侍郎爲田令孜神策判官投知小錄三卷

今鈔七律一首

唐彥謙 字茂業并州人咸通時舉進士十餘年不第乾符

末攜家避地漢南中和中王重榮鎮河中辟爲從事光啓末貶漢中掾曹楊守亮鎮興元署爲判官累官至副使閬壁絳三州刺史彥謙博學多藝文詞壯麗至於書畫音樂無不出於輩流號鹿門先生集三卷今鈔七律三首五排一首五絕一首七絕六首

周朴
字太朴吳興人避地福州寄食烏石山僧寺黃巢

寇閩欲降之朴不從遂見害今鈔七律一首七絕

一首

劉威
會昌時人今鈔七律一首

章碣
孝標之子登乾符進士第後流落不知所終今鈔

七律一首七絕二首

韓偓

字致光京兆萬年人龍紀元年擢進士第佐河中幕府召拜左拾遺累遷諫議大夫歷翰林學士中書舍人兵部侍郎以不附朱全忠貶濮州司馬再貶榮懿尉徙鄧州司馬天祐二年復原官偓不赴召南依王審知而卒翰林集一卷香奩集三卷今鈔七律十五首五排一首五絕二首七絕七首

吳融

字子華越州山陰人龍紀初及進士第韋昭度討蜀表掌書記累遷侍御史去官依荆南成汭久之召爲左補闕拜中書舍人昭宗反正造次草詔無不稱旨進戶部侍郎鳳翔劫遷融不克從去客閬

鄉俄召還翰林遷承旨卒有唐英集三卷今鈔七律七首七絕五首

顏萱 字弘至江南進士中書舍人蕘之弟今鈔七律一

首

曹唐 字堯賓桂州人初爲道士後舉進士不第咸通中

累爲使府從事詩三卷今鈔七律一首七絕一首

羅袞 字子制臨邛人大順中厯左拾遺起居郎仕梁爲

禮部員外郎集二卷今鈔七律一首

來鵠 豫章人詩思清麗咸通中舉進士不第今鈔七律

一首七絕一首

李山甫 咸通中累舉不第依魏博幕府爲從事嘗逮事樂

彥禎羅弘信父子文筆雄健名著一方今鈔七律

二首

羅鄴

餘杭人累舉進士不第光化中以韋莊奏追賜進士及第贈官補闕今鈔七律一首七絕五首

羅隱

字昭諫餘杭人本名橫十上不中第遂更名從事湖南淮潤無所合久之歸投錢鏐累官錢塘令鎮海軍掌書記節度判官鹽鐵發運副使著作佐郎奏授司勳郎朱全忠以諫議大夫召不行魏博羅紹威推爲叔父表薦給事中年七十七卒隱少聰敏旣不得志其詩以風刺爲主有歌詩集十四卷甲乙集三卷外集一卷今鈔七律九首七絕四首

黃滔

字文江蒲田人昭宗乾寧二年擢進士第光化中除四門博士尋遷監察御史裏行充威武軍節度推官王審知據有全閩而終其身爲節將者滔規正有力焉集十五卷今鈔七律一首

殷文圭

池州人居九華苦學所用墨池底爲之穴唐末詞場請託公行文圭與游恭獨步場屋乾寧中及第爲裴樞宣諭判官後事楊行密終左千牛衛將軍今鈔七律一首

譚用之

字藏用五代末人善爲詩而官不達今鈔七律二首

劉兼

長安人官榮州刺史今鈔七律一首

鄭準

字不欺登乾甯進士第爲荆南成汭推官後與汭不合爲所害渚宮集一卷今鈔七律一首

沈彬

字子文高安人唐末應進士不第浪跡湖湘嘗與僧虛中齊已爲詩友事吳爲秘書郎以吏部郎中致仕年八十餘李璟以舊恩召見賜粟帛官其子今鈔七律一首

清江

會稽人善篇章大厯貞元間與清晝齊名稱爲會稽二清今鈔七律一首七絕一首

法振

大厯貞元間以詩名今鈔七律一首七絕一首

讀雪山房唐詩卷二十一

七律目錄 四

李商隱

四十首

溫庭筠廿首

杜牧十首

許渾四首

李頻二首

姚鵠一首

趙嘏三首

盧肇一首

許棠一首

秦韜玉一首

唐彥謙三首

周樸一首

劉威一首

章碣一首

皮日休七首

司空圖六首

韓偓十五首

吳融七首

韋莊十首

陸龜蒙五首

顏萱一首

曹唐一首

曹鄴一首

羅衮一首

來鵠一首

方干一首

崔塗四首

曹松二首

李山甫二首

羅鄴一首

羅隱九首

黃滔一首

殷文圭一首

譚用之二首

劉兼一首

鄭準一首

沈彬一首

張蠙一首

皎然一首

清江一首

法振一首

讀雪山房唐詩卷二十一

七律

四

聖女祠

李商隱

松篁臺殿蕙香幃
龍護瑤窗鳳掩扉
無質易迷三里霧
不寒長著五銖衣
人間定有崔羅什
天上應無劉武威
寄問釵頭雙白燕
每朝珠館幾時歸

重有感

玉帳牙旗得上游
安危須共主君憂
竇融表已來關右
陶侃軍宜次石頭
豈有蛟龍愁失水
更無鷹隼與高秋
晝號夜哭兼幽顯
早晚星關雪涕收

哭劉蕡

上帝深宮閉九閭巫咸不下問銜冤廣陵別後春濤隔湓浦
書來秋雨翻只有安仁能作誄何曾宋玉解招魂平生風義
兼師友不敢同君哭寢門

重過聖女祠

白石巖扉碧蘚滋上清淪謫得歸遲一春夢雨常飄瓦盡日
靈風不滿旗萼綠華來無定所杜蘭香去未移時玉郎會此
通仙籍憶向天階問紫芝

南朝

元武湖中玉漏催雞鳴埭口繡襦迴誰言瓊樹朝朝見不及
金蓮步步來敵國軍營漂木枿前朝神廟鎖煙煤滿宮學士
皆顏色江令當年只費才

二月二日

二月二日江上行東風日暖聞吹笙花鬚柳眼各無賴紫蝶
黃蜂俱有情萬里憶歸元亮井三年從事亞夫營新灘莫悟
遊人意更作風簷夜雨聲

籌筆驛

猿鳥猶疑畏簡書風雲常爲護儲胥徒令上將揮神筆終見
降王走傳車管樂有才真不忝關張無命欲何如他年錦里
經祠廟梁父吟成恨有餘

隋宮

紫泉宮殿鎖煙霞欲取蕪城作帝家玉璽不緣歸日角錦帆
應是到天涯於今腐草無螢火終古垂楊有暮鴉地下若逢

言山房詩卷三
二
陳後主豈宜重問後庭花

九成宮

十二層城閬苑西
平時避暑拂虹霓
雲隨夏后雙龍尾
風逐周王八駿蹄
吳岳曉光連翠巘
甘泉晚景上丹梯
荔枝盧橘沾恩幸
鸞鵲天書濕紫泥

韓同年新居餞韓西迎家室戲贈

籍籍征西萬戶侯
新緣貴婿起朱樓
一名我漫居先甲
千騎君翻在上頭
雲路招邀迴綵鳳
天河迢遞笑牽牛
南朝禁衛無人近
瘦盡瓊枝詠四愁

畱贈畏之

清時無事奏明光
不遣當關報早霜
中禁詞臣尋引領
九川

歸客自迴腸郎君下筆驚鸚鵡侍女吹簫弄鳳凰共記大羅
天上事眾仙同日詠霓裳

馬嵬

海外徒聞更九州他生未卜此生休空聞虎旅傳宵柝無復
雞人報曉籌此日六軍同駐馬當時七夕笑牽牛如何四紀
爲天子不及盧家有莫愁

富平少侯

七國三邊未到憂十三身襲富平侯不收金彈拋林外卻惜
銀牀在井頭綵樹轉燈珠錯落繡檀迴枕玉雕鏤當關不報
侵晨客新得佳人字莫愁

少年

外戚平羌第一功
生年二十有重封
直登宣室螭頭上
橫過甘泉豹尾中
別館覺來雲雨夢
後門歸去蕙蘭叢
灞陵夜獵隨田竇
不識寒郊白轉蓬

銀河吹笙

悵望銀河吹玉笙
樓寒院冷接平明
重衾幽夢他年斷
別樹羈雌昨夜驚
月榭故香因雨發
風簾殘燭隔霜清
不須浪作綉山意
湘瑟秦簫自有情

與同年李定言曲水閒話

海燕參差溝水流
同君身世屬離憂
相攜花下非秦贅
對泣春天類楚囚
碧草暗侵穿苑路
珠簾不捲枕江樓
莫驚五勝埋香骨
地下傷春亦白頭

安定城樓

迢遞高城百尺樓
綠楊枝外盡汀洲
賈生年少虛垂淚
王粲春來更遠遊
永憶江湖歸白髮
欲迴天地入扁舟
不知腐鼠成滋味
猜意鷦鷯竟未休

隋宮守歲

消息東郊木帝迴
宮中行樂有新梅
沈香甲煎爲庭燎
玉液瓊蘇作壽杯
遙望露盤疑是月
遠聞鼉鼓欲驚雷
昭陽第一傾城選
不踏金蓮不肯來

茂陵

漢家天馬出蒲梢
苜蓿花遍近郊內
苑只知含鳳嘴
屬車無復插雞翹
玉桃偷得憐方朔
金屋修成貯阿嬌
誰料蘇卿

言言山房詩卷三
四
老歸國茂陵松柏雨瀟瀟

寫意

燕雁迢迢隔上林高秋望斷正長吟
人間路有潼江險天外山惟玉壘深
日向花間畱返照雲從城上結層陰
三年已制思鄉淚更入新年恐不禁

鄭州獻從叔舍人褒

蓬島煙霞閬苑鐘三官箋奏附金龍
茅君奕世仙曹貴許椽全家道氣濃
絳簡尙參黃紙案丹鑪猶用紫泥封
不知他日華陽洞許上經樓第幾重

贈別前蔚州契苾使君

何年部曲到陰陵三世勤王國史稱
夜捲牙旗千帳雪朝飛

羽騎一河冰蕃兒襁負來青塚狄女壺漿出白登日晚鷗鵝
泉畔獵路人遙識郅都鷹

寄令狐學士

秘殿崔巍拂彩霓曹司今在殿東西賡歌太液翻黃鵠從獵
陳倉獲碧雞曉飲豈知金掌迥夜吟應訝玉繩低鈞天雖許
人間聽闐闐門多夢自迷

井絡

井絡天彭一掌中漫誇天設劒爲峯陣圖東聚夔江石邊柝
西懸雪嶺松堪歎故君成杜宇可能先主是真龍將來爲報
奸雄輩莫向金牛訪舊踪

隋師東

東征日調萬黃金幾竭中原買鬪心軍令未聞誅馬謖捷書
惟是報孫歆但須驚鴛巢阿閣豈假鴟鵂在泮林可惜前朝
元菟郡積骸成莽陣雲深

漢南書事

西師萬眾未全回哀痛天書近已裁文吏何曾重刀筆將軍
猶自舞輪臺幾時拓土成王道從古窮兵是禍胎陛下好生
千萬壽玉樓長御白雲杯

九日

曾共山翁把酒時霜天白菊繞階墀十年泉下無人問九日
樽前有所思不學漢臣栽苜蓿空教楚客詠江蓠郎君官貴
施行馬東閣無因得再窺

曲江

望斷平時翠輦過空聞子夜鬼悲歌金輿不返傾城色玉殿
猶分下苑波死憶華亭聞唳鶴老憂王室泣銅駝天荒地老
心雖折若比傷春意未多

行次昭應縣道上送戶部李郎中充昭義攻討

將軍大旆埽狂童詔選名賢贊武功暫逐虎牙臨故絳遠含
雞舌過新豐魚遊沸鼎知無日鳥覆危巢豈待風早勒勳庸
燕石上仁光綸綍漢庭中

野菊

苦竹園南椒塢邊微香冉冉淚涓涓已悲節物同寒雁忍委
芳心與暮蟬細路獨來當此夕清尊相伴省他年紫雲新苑

言言山房集卷之二
移花處不取霜栽近御筵

過故府中武威公交城舊莊感事

信陵亭館接郊畿
幽象遙通晉水祠
日落高門喧燕雀
風飄大樹撼熊羆
新蒲似筆思投日
芳草如茵憶吐時
山下祇今黃絹字
淚痕猶墮六州兒

贈司勳杜十三員外

杜牧司勳字牧之
清秋一首杜秋詩
前身應是梁江總
名總還會字總持
心鐵已從千鎔利
鬢絲休歎雪霜垂
漢江遠弔西江水
羊祜韋丹盡有碑

碧城三首

碧城十二曲闌干
犀辟塵埃玉辟寒
閭苑有書多附鶴
女牀

無樹不棲鸞星沈海底當窗見雨過河源隔座看若是曉珠
明又定一生長對水晶盤

對影聞聲已可憐玉池荷葉正田田不逢簫史休回首莫見
洪崖又拍肩紫鳳放嬌銜楚佩赤鱗狂舞撥湘絃鄂君悵望
舟中夜繡被焚香獨自眠

七夕來時先有期洞房簾箔至今垂玉輪顧兔初生魄鐵網
珊瑚未有枝檢與神方教駐景收將鳳紙寫相思武皇內傳
分明在莫道人間總不知

錦瑟

錦瑟無端五十絃一絃一柱思華年莊生曉夢迷蝴蝶望帝
春心託杜鵑滄海月明珠有淚藍田石暖玉生煙此情可待

言山房集卷三
成追憶只是當時已惘然

無題

昨夜星辰昨夜風
畫樓西畔桂堂東
身無綵鳳雙飛翼
心有靈犀一點通
隔座送鉤春酒暖
分曹射覆蠟燈紅
嗟余聽鼓應官去
走馬蘭臺類轉蓬

又二首

來是空言去絕蹤
月斜樓上五更鐘
夢爲遠別啼難喚
書被催成墨未濃
蠟照半籠金翡翠
麝熏微度繡芙蓉
劉郎已恨蓬山遠
更隔蓬山一萬重

颯颯東風細雨來
芙蓉塘外有輕雷
金蟾齧鎖燒香入
玉虎牽絲汲井迴
賈氏窺簾韓掾少
宓妃畱枕魏王才
春心莫共

花爭發一寸相思一寸灰

又一首

相見時難別一難東風無力百花殘
春蠶到死絲方盡蠟炬成灰淚始乾
曉鏡但愁雲鬢改夜吟應覺月光寒
蓬山此去無多路青鳥慇懃爲探看

又二首

鳳尾香羅薄幾重碧文圓頂夜深縫
扇裁月魄羞難掩車走雷聲語未通
曾是寂寥金燼暗斷無消息石榴紅
斑騅只繫垂楊岸何處西南任好風

重幃深下莫愁堂臥後清宵細細長
神女生涯原是夢小姑居處本無郎
風波不信菱枝弱月露誰教桂葉香
直道相思

了無益未妨惆悵是清狂

過陳琳墓

溫庭筠

會於青史見遺文今日飄零過古墳
詞客有靈應識我霸才無主始憐君
石麟埋沒藏秋草銅雀荒涼對暮雲
莫怪臨風倍惆悵欲將書劒學從軍

上翰林蕭舍人

人間鷁鷺杳難從獨恨金屏直九重
萬象曉歸神壽鏡百花春隔景陽鐘
紫薇芒動詞初出紅燭香殘詔未封
每過朱門愛庭樹一枝何日許從容

馬嵬

穆滿曾爲物外遊六龍經此暫淹留
返魂無驗青煙滅埋血

空生碧草愁香輦卻歸長樂殿曉鐘還下景陽樓甘泉不復
重相見誰道文成是故侯

春日偶作

西園一曲豔陽歌擾擾車塵負薜蘿自欲放懷猶未得不知
經世竟如何夜聞猛雨判花盡寒戀重衾覺夢多釣渚別來
應更遠春風還爲起微波

蘇武廟

蘇武魂銷漢使前古祠高樹兩茫然雲邊雁斷胡天月隴上
羊歸塞草煙回日樓臺非甲帳去時冠劔是丁年茂陵不見
封侯印空向秋波哭逝川

七夕

詩集山房集卷三十一
九
鵲歸燕去雨悠悠青瑣西南月似鉤天上歲時星右轉世間
離別水東流金風入樹千門夜銀漢橫空萬象秋蘇小迴塘
通桂楫未應清淺隔牽牛

贈蜀將

十年分散劒關秋萬事皆隨錦水流心氣已曾明漢節功名
猶自滯吳鉤鵬邊認箭寒雲重馬上聽笳塞草愁今日逢君
倍惆悵灌嬰韓信盡封侯

和趙嘏題岳寺

疏鐘細響亂鳴泉客省高臨似水天嵐翠暗來空覺潤潤茶
餘爽不成眠越僧寒立孤燈外岳月秋當萬木前張邴宦情
何太薄遠公窗外有池蓮

西江上送漁父

卻逐嚴光向若耶
釣綸菱擢寄年華
三秋梅雨愁楓葉
一夜蓬舟宿葦花
不見水雲應有夢
偶隨鷗鷺便成家
白蘋風起樓船暮
江燕雙雙五兩斜

和友人溪居別業

積澗初銷碧草新
鳳陽晴日帶雕輪
風飄弱柳平橋晚
雪點寒梅小院春
屏上樓臺陳後主
鏡中金翠李夫人
花房透露紅珠落
蛺蝶雙飛護粉塵

開聖寺

路分谿谷夾煙叢
十里蕭蕭古樹風
出寺馬嘶秋色裏
向陵鴉亂夕陽中
竹間泉落山廚靜
塔下僧歸影殿空
猶有南朝

詩集卷三十一
碑碣在恥將興廢問休公

奉天西佛寺

憶昔狂童犯順年
玉虬閒暇出甘泉
宗臣欲舞千金劍
追騎猶觀七寶鞭
星背紫垣終埽地
日歸黃道卻當天
至今南頓諸耆舊
猶指榛蕪作弄田

宿雲際寺

白蓋微雲一徑深
東風弟子遠相尋
蒼苔路熟僧歸寺
紅葉聲乾鹿在林
高閣清香生靜境
夜堂疏磬發禪心
自從紫桂巖前別
不見南能直至今

過五丈原

鐵馬雲騅久絕塵
柳陰高壓漢營春
天晴殺氣屯關右
夜半

妖星照渭濱下國臥龍空悟主中原得鹿不由人象牀寶帳
無言語從此譙周是老臣

經李徵君故居

露濃煙重草萋萋樹映闌干柳拂隄一院落花無客醉五更
殘月有鶯啼芳筵想像情難盡故榭荒涼路已迷風景宛然
人事改每經門巷馬長嘶

題柳

楊柳千條拂面絲綠煙金穗不勝吹香隨靜婉歌塵起影伴
嬌嬈舞袖垂羌管一聲何處笛流鶯百轉最高枝千門九陌
花如雪飛過宮牆雨不知

經故秘書崔監揚州南塘舊居

護雪山房唐詩卷三十一
昔年曾識范安成松竹風姿鶴性情西掖曙河橫漏響北山
秋月照江聲乘舟覓吏經輿縣爲酒求官得步兵千頃水流
通故墅至今畱得謝公名

題望苑驛

東馬嵬驛
西端正樹

弱柳千條杏一枝半含春雨半垂絲景陽寒井人難到長樂
晨鐘烏自知花影至今通博望樹名從此號相思分明十二
樓前月不向西陵照盛姬

老君廟

紫氣氤氲捧半巖蓮峯仙掌共巉巖廟前晚色連寒水天外
斜陽帶遠帆百二關山扶玉座五千文字闕瑤緘自憐金骨
無人識知有飛龜在石函

題韋籌博士草堂

玄晏先生已白頭不隨鷓鴣狎羣鷗
元卿謝免開三徑平仲朝歸臥一裘
醉後獨知殷甲子病來猶作晉春秋
滄浪未濯纓猶在野水無情處處流

街西長句

杜牧

碧池新漲浴嬌鴉分鎖長安富貴家
遊騎偶同人鬪酒名園相倚杏交花
銀鞍腰褭嘶宛馬繡鞅璫瓏走鈿車
一曲將軍何處笛連雲芳樹日西斜

貴游

朝回珮馬草萋萋年少恩深衛霍齊
斧鉞舊威龍塞北池臺新賜鳳城西
門通碧樹開金鎖樓對青山倚玉梯
南陌行人

盡回首笙歌一曲暮雲低

題宣州開元寺水閣閣下宛溪夾溪居人

六朝文物草連空天淡雲閒今古同
鳥去鳥來山色裏人歌人哭水聲中
深秋簾幙千家雨落日樓臺一笛風
惆悵無因見范蠡參差煙樹五湖東

潤州

句吳亭東十里秋放歌曾作昔年遊
青苔寺裏無馬跡綠水橋邊多酒樓
大抵南朝皆曠達可憐東晉最風流
月明更想桓伊在一笛聞吹出塞愁

寄題甘露寺北軒

曾向蓬萊宮裏行北軒欄檻最畱情
孤高堪弄桓伊笛縹緲

宜聞子晉笙天接海門秋水色煙籠隋苑暮鐘聲他年會著
荷衣去不向山僧道姓名

長安雜題

束帶謬趨文石陛有章曾拜阜囊封期嚴無奈睡成癖勢窘
猶爲酒泥慵偷釣侯家池上雨醉吟隋寺日沈鐘九原可作
吾誰與師友瑯琊邴曼容

奉和白相公聖德和平致滋休運歲終功就合詠盛明
呈上三相公長句四韻

行看臘破好年光萬壽南山對未央黠戛可汗修職貢文思
天子復河湟應須日馭西巡狩不假星弧北射狼吉甫裁詩
歌盛業一篇江漢美宣王

李給事中

敏

一章緘拜早囊中慄慄朝廷有古風
元禮去歸緱氏學江充來見犬臺宮
紛紛白晝驚千古鈇鑕朱殷幾一空
曲突徙薪人不曾海邊今作釣魚翁

酬張祜處士見寄

七子論詩誰似公曹劉須在指揮中
薦衡昔日知文舉乞火無人作蒯通
北極樓臺長入夢西江波浪遠吞空
可憐故國三千里虛唱歌詞滿六宮

湖南正初招李郢秀才

行樂及時時已晚對酒當歌歌不成
千里暮山重疊翠一溪寒水淺深情
高人以飲爲忙事浮世除詩盡強名
看著白蘋

芽欲吐雪舟相訪勝閑行

金陵懷古

許渾

玉樹歌殘王氣終景陽兵合成樓空松楸遠近千官塚禾黍
高低六代宮石燕拂雲晴亦雨江狔吹浪夜還風英雄一去
豪華盡唯有青山似洛中

京口閒居寄兩都親友

吳門煙月昔同游楓葉蘆花並客舟聚散有期雲北去浮沈
無計水東流一尊酒盡青山暮千里書來碧樹秋何處相思
不相見鳳城宮闕楚江樓

朝臺送客有懷

趙佗西拜已登壇馬援南征土宇寬越國舊無唐印綬蠻鄉

言山房集卷三
今有漢衣冠江雲帶日秋偏熱海雨隨風夏亦寒嶺北歸人
莫回首蓼花楓葉萬重灘

咸陽城東樓

一上高城萬里愁蒹葭楊柳似汀洲溪雲初起日沈閣山雨
欲來風滿樓鳥下綠蕪秦苑夕蟬鳴黃葉漢宮秋行人莫問
當年事故國東來渭水流

湘中送友人

李頻

中流日暮見湘煙葦岸無窮接楚天去鴈遠衝雲夢雪離人
獨上洞庭船風波盡日依山轉星漢通宵向水懸零落梅花
過殘臘故園歸去又新年

太和公主還

天驕發使犯邊塵漢將推功遂奪親離亂應無初去貌死生
難有卻回身禁花半老曾攀樹宮女多非舊識人重上鳳樓
追故事幾多愁思向青春

送友人出塞

姚鵠

帝城春色著寒梅去恨離懷醉不開作別欲將何計免此行
應又隔年回入河殘日雕西盡卷雪驚蓬馬上來有志莫忘
清塞學眾傳君負佐王才

長安晚秋

趙嘏

雲物淒清拂曙流漢家宮闕動高秋殘星幾點鴈橫塞長笛
一聲人倚樓紫豔半開籬菊靜紅衣落盡渚蓮愁鱸魚正美
不歸去空戴南冠學楚囚

言山房詩卷三
原廟對荒邱耳聞明主提三尺眼見愚民盜一抔千載豎儒
騎瘦馬渭城斜日重回頭

過浩然先生墓

人間萬卷龐眉老眼見堂堂入草萊行客須當下馬過故交
誰復裏雞來山花不語如聽講溪水無情自薦哀猶勝黃金
買碑碣百年名字已煙埃

蒲津河亭

宿雨清秋霽景澄廣亭高樹向晨興煙橫博望乘槎水日上
文王避雨陵孤棹夷猶期獨往曲欄愁絕每長凭思鄉懷古
多傷別此際哀吟意不勝

哭李端

周 樸

三年翦拂感知音
哭向青山永夜心
竹在曉煙孤鳳去
劒荒秋水一龍沈
新墳日落松聲小
舊宅春殘草色深
不及此時親執紼
石門遙想淚霑巾

游東湖黃處士園林

劉威

偶向東湖更向東
數聲雞犬翠微中
遙知楊柳是門處
似隔芙蓉無路通
樵客出來山帶雨
漁舟過去水生風
物情多與閑相稱
所恨求安計不同

春別

章碣

擲下離觴指亂山
趨程不待鳳笙殘
花邊馬嚼金銜去
樓上人垂玉筍看
柳陌雖然風裊裊
蔥河猶自雪漫漫
慙慙莫厭貂裘重
恐犯三邊五月寒

過雲居院元福上人舊居

皮日休

重到雲居意悄然
隔窗窺影尙疑禪
不逢野老來聽法
又見鄰僧爲引泉
龕上已生新石耳
壁間空帶舊茶煙
南宗弟子時時到
泣把山花奠几筵

襄州春游

信馬騰騰觸處行
春風相引與詩情
等閑遇事成歌詠
取次衝筵隱姓名
映竹認人多錯誤
透花窺鳥最分明
岑牟單絞何曾著
莫道猖狂似禰衡

題潼關蘭若

潼關罷警有招提
近百年無戰馬嘶
壯士不言三尺劒
謀臣休道一丸泥
昔年馳道洪波上
今日宸居紫氣西
關吏不勞

重借問棄繻生擬入耶溪

寄瓊州楊舍人

德星芒彩瘴天涯酒樹堪消謫宦嗟行遇竹王因設奠居逢
木客又遷家清齋靜澹枕榔麴遠信閒封荳蔻花清切會須
歸有日莫貪句漏足丹沙

送李明府之任海南

五羊城在蜃樓邊墨綬垂腰正少年山靜不應聞屈鳥草深
從使翳貪泉蟹奴晴上臨潮檻燕婢秋隨過海船一事與君
消遠宦乳蕉花發訟庭前

寄題羅浮軒轅先生所居

亂峯四百三十二欲問眞君何處尋紅翠數聲瑤室響眞檀

言山房集卷三
一炷石樓深山都遣買沽來酒樵客客看化後金從此謁師
知不遠求官先有葛洪心

魯望憫承吉之孤爲詩序邀余屬和欲因子道振其孤
而利之噫承吉之困身後乎魯望視予困與承吉生前
孰若哉未有己困而能振人之困者抑爲之詞用塞良

友

先生清骨葬煙霞業破孤存孰爲嗟幾篋詩篇分貴位一林
石笋散豪家兒過舊宅啼楓影姬繞荒田泣稗花唯我共君
堪便戒莫將文譽作生涯

退栖

司空圖

宦遊蕭索爲無能移住中條最上層得劒乍如添健僕亡書

久似憶良朋燕昭不是空憐馬支遁何妨亦愛鷹自致此身
繩檢外肯教世路日競競

丁未歲歸王官谷

家山牢落戰塵西疋馬偷歸路已迷塚上卷旗人簇立花邊
移寨鳥驚啼本來薄俗輕文字卻致中原動鼓聲將取一壺
閒日月長歌深入武陵溪

山中

全家爲我戀孤岑蹋得蒼苔一逕深逃難人多分隙地放生
鹿大出深林名應不朽輕仙骨理到忘機近佛心昨夜前溪
驟雷雨晚晴閒步數峯吟

歸王官谷次年作

言言山房集卷三
一
亂後燒殘滿架書峯前猶自戀吾廬忘機漸喜逢人少缺粒
空憐待鶴疏孤嶼池痕春漲滿小欄花韻午晴初酣歌自適
逃名久不必門多長者車

書懷

病來猶強引雛行力上東原欲試耕幾處馬嘶春麥長一川
人喜雪峯晴閒知有味心難肯道貴謀安迹易平陶令若能
兼不飲無絃琴亦是沽名

華下

籜冠新帶步池塘逸韻偏宜夏景長扶起綠荷承早露驚迴
白鳥入殘陽久無書去千時貴時有僧來自故鄉不用名山
訪真訣退休便是養生方

六月十七日召對自辰及申方歸本院 韓 偓

清暑簾開散異香
恩深咫尺對龍章
花應天上常時滿
日向壺中特地長
坐久忽疑槎犯斗
歸來兼恐海生桑
如今冷笑東方朔
惟用詼諧侍漢皇

中秋禁直

星斗疏明禁漏殘
紫泥封後獨憑欄
露和玉屑金盤冷
月射珠光貝闕寒
天襯樓臺籠苑外
風吹歌管下雲端
長卿祇爲長門賦
未識君臣際會難

宮柳

莫道秋來芳意違
宮娥猶似妒蛾眉
幸當玉輦經過處
不怕金風浩蕩時
草色長承垂地葉
日華先動映樓枝
澗松亦有

言言山房詩卷三
三
凌雲分爭似移根太液池

苑中

上苑離宮處處迷相風高與露盤齊金階鑄出狻猊立玉柱
雕成狒狒啼外使調鷹初得按中官過馬不教嘶笙歌錦繡
雲霄裏獨許詞臣醉似泥

辛酉歲冬十一月隨駕幸岐下作

曳裾談笑殿西頭忽聽征鐃從冕旒鳳蓋行時移紫氣鸞旂
駐處認皇州曉題御服頒羣吏夜發宮嬪詔列侯雨露涵濡
三百載不知誰擬殺身酬

避地

西山爽氣生襟袖南浦離愁入夢魂人泊孤舟青草岸鳥鳴

高樹夕陽邨偷生亦似符天意未死深疑負國恩白面兒郎
猶巧宦不知誰與正乾坤

登南神光寺塔院

無奈離腸日九迴強攄懷抱立高臺中華地向城邊盡外國
雲從島上來四序有花長見雨一冬無雪卻聞雷日宮紫氣
生冠冕試望扶桑病眼開

安貧

手風慵展一行書眼暗休尋九局圖窗裏日光飛野馬案頭
筠管長蒲盧謀身拙爲安蛇足報國危曾將虎鬚舉世可能
無默識未知誰擬試齊竽

鵲

偏承雨露潤毛衣黑白分明眾所知
高處營巢親鳳閣靜時閒語上龍墀
化爲金印新祥瑞飛向銀河舊路岐
莫怪天涯棲不穩託身須是萬年枝

八月六日作

四首之一

日離黃道十年昏敏手重開造化門
火帝動爐銷劒戟風師吹雨洗乾坤
左牽犬馬誠難測右袒簪纓最負恩
丹筆不知誰定罪莫畱遺迹怨神孫

半醉

水向東流竟不迴紅顏白髮遞相催
壯心暗逐高歌盡往事空乘半醉來
雲護雁霜籠淡月雨連鶯曉落殘梅
西樓悵望芳菲節處處斜陽草似苔

春盡

惜春連日醉昏昏
醒後衣裳見酒痕
細水浮花歸別澗
斷雲含雨入孤村
人間易得芳時恨
地迴難招自古魂
慙媿流鶯相厚意
清晨猶爲到西園

亂後春日途經野塘

世亂他鄉見落梅
野塘晴暖獨徘徊
船衝水鳥飛還住
袖拂楊花去又來
季重舊游多喪逝
子山新賦極悲哀
眼看朝市成陵谷
始信昆明有劫灰

避地寒食

避地淹留已自悲
况逢寒食欲霑衣
殘春孤館人愁坐
斜日空園花亂飛
路遠漸憂知己少
時危又與賞心違
一名所繫

詩集山房詩卷三
三
無窮事爭敢當年便息機

寒食重遊李氏園亭有懷

往年曾在彎橋上見倚朱欄詠柳綿
今日獨來香徑裏更無人迹有苔錢
傷心闊別三千里屈指思量四五年
料得他鄉遇佳節亦應懷抱暗淒然

上陽宮詞

吳融

苑路青青半是苔翠華西去未知回
景陽春漏無人報太液秋波有雁來
單影可堪明月照紅顏無奈落花催
誰能賦得長門事不惜千金奉酒盃

敷水有丐者云是馬侍中諸孫憫而有贈

天地塵昏九鼎危大貂曾出武侯師
一心忠赤山河見百戰

功名日月知舊宅已聞栽禁樹諸孫仍見丐征歧而今不要
教人識正藉將軍死鬪時

送于員外歸隱藍田

曾吟工部兩峯寒今日星郎得掛冠吾道不行歸始是世情
如此住應難圍棋已訪生雲石把釣先尋急雨灘若遇秦時
雪髯客紫芝兼可備朝餐

太保中書令軍前新樓

十二闌干壓錦城半空人語落灘聲風流近接平津閣氣色
高含細柳營盡日捲簾江草綠有時欹枕雪峯晴不知奉詔
朝天後誰此登臨看月明

金橋感事

詩集卷三
太行和雪疊晴空二月春郊尙朔風飲馬早聞臨渭北射雕
今欲過山東百年徒有伊川歎五利曾無魏絳功日暮長亭
正愁絕悲筵一曲成煙中

富春

水送山迎入富春一川如畫晚晴新雲低遠渡帆來重潮落
寒沙鳥下頻未必柳間無謝客也應花裏有秦人嚴光萬古
清風在不敢停橈更問津

隋隄

搔首隋隄落日斜已無餘柳可藏鴉岸傍昔道牽龍艦河底
今來走犢車曾笑陳家歌玉樹卻隨後主看瓊花四方正是
無虞日誰道黎陽有古家

思歸

韋莊

暖絲無力自悠揚，牽引春風斷客腸。
外地見花終寂寞，異鄉聞樂更悲涼。
紅垂野岸櫻還熟，綠染汀草又芳舊。
里若爲歸去好？子期凋謝呂安亡。

憶昔

昔年曾向五陵游，子夜歌清月滿樓。
銀燭樹前長似晝，露桃花下不知秋。
西園公子名無忌，南國佳人字莫愁。
今日亂離俱是夢，夕陽惟見水東流。

贈邊將

曾因征遠向金微，馬出榆關一鳥飛。
萬里只攜孤劍去，十年空逐塞鴻歸。
手招都護新降虜，身著文皇舊賜衣。
只待煙塵

詩集卷三十一
三
報天子滿頭霜雪爲兵機

謁蔣帝廟

建業城邊蔣帝祠素髯清骨舊風姿江聲似激秦軍破山勢
如匡晉祚危殘雪嶺頭明組練晚霞檐外簇旌旗金陵客路
方流落空祝回鑾奠酒卮

聞再幸梁洋

纔喜中原息戰輦又聞天子幸巴西西延燒魏闕非關燕大狩
陳倉不爲雞興慶玉龍寒自躍昭陵石馬夜空嘶遙思萬里
行宮夢太白山前月欲低

婺州屏居蒙右省王拾遺枉訪病中延候不得因成寄

謝

三年流落臥漳濱
王粲思家拭淚頻
畫角莫吹殘月夜
病心方憶故園春
自爲江上樵蘇客
不識天邊侍從臣
枉得白鷗驚去盡
綠蘿門外有朱輪

南昌晚眺

南昌城郭枕江煙
章水悠悠浪拍天
芳草綠遮仙尉宅
落霞紅襯賈人船
霏霏閣上千山雨
嘒嘒雲中萬樹蟬
怪得地多章句客
庾家樓在斗牛邊

綏州作

雕陰無樹水難流
雉堞連雲古帝州
帶雨晚駝鳴遠戍
望鄉孤客倚高樓
明妃去日花應笑
蔡琰歸時鬢已秋
一曲單于暮風起
扶蘇城上月如鉤

過揚州

當年人未識兵戈處處青樓夜夜歌
花發洞中春日永月明衣上好風多
淮王去後無雞犬煬帝歸來葬綺羅
二十四橋空寂寂綠楊摧折舊官河

桐廬縣作

錢塘江盡到桐廬水碧山青畫不如
白羽鳥飛嚴子瀨綠蓑人釣季鷹魚
潭心倒影時開合谷口閒雲自卷舒
此境祇應詞客愛投文空弔木元虛

奉和襲美暇日獨處見寄

陸龜蒙

謝府殷樓少暇時又拋清宴入書帷
三千餘歲上下古八十一家文字奇
冷夢漢臯懷舊隱靜憐煙島覺鴻離
知君滿篋

前朝事鳳詔龍奴借與窺

奉和襲美夏景冲淡偶作次韻

二首之一

蟬雀參差在扇紗竹襟輕利籜冠斜
爐中有酒文園會琴上無絃靖節家
芝畹煙霞全覆穗橘洲風浪半浮花
閑思兩地忘名者不住人間髮解華

奉和襲美吳中言懷寄南海二同年

曾見凌風上赤霄盡將華藻赴嘉招
城連虎踞山圖麗路入龍編海舶遙
江客漁歌衝白苕野禽人語映紅蕉
庭中必有君遷樹莫向空臺望漢朝

和襲美先輩悼鶴

一夜圓吭絕不鳴八公虛道得千齡
方添上客雲眠思忽伴

中仙劒解形但掩叢毛穿古堞永畱寒影在空屏君才幸自清如水更向芝田爲刻銘

鷓鴣

詞賦曾誇鷓鴣流果爲名誤別滄洲雖蒙靜置疏籠晚不似閑栖折葦秋自昔稻梁高鳥畏至今珪組野人讐防微避繳無窮事好與裁書謝白鷗

過張祐處士丹陽故居

有序

顏 萱

萱與故張處士祐世家通舊尙憶孩穉之歲與伯氏嘗承處士撫抱之仁目管輅爲神童期孔融於偉器光陰徂謝二紀於茲適經其故居已易他主訪遺孤之所止則距故居之右二十餘步荆榛之下華門啓

焉處士有四男一女男曰椿兒桂子椅兒杞兒問之
三已物故惟杞爲遺孕與其女尙存欲揖杞與言則
又求食於汝墳矣但有霜髻而黃冠乃昔時愛姬崔
氏也與之話舊厯然可聽嗟乎葛帔練裙兼非所有
琴書圖籍盡屬他人又云橫塘之西有故田數百畝
力旣貧窶十年不耕惟歲賦萬錢求免無所嗚呼爲
穆生置醴鄭公立鄉復何人哉因吟五十六字以聞
好事者

憶昔爲兒逐我兄曾拋竹馬拜先生書齋已換當時主詩壁
空題故友名豈是爭權畱怨敵可憐當路盡公卿柴扉草屋
無人問猶向荒田責地征

送康祭酒赴輪臺

曹唐

灞水橋邊酒一盃送君千里赴輪臺
霜粘海眼旗聲凍風射犀文甲縫開斷磧簇煙山似米野營軒地鼓如雷
分明會得將軍意不斬樓蘭不擬迴

碧潯宴上有懷知己

曹鄴

荻花蘆葉滿溪流一簇笙歌在水樓
金管曲長人盡醉玉簪恩重獨生愁
女蘿力弱難逢地桐樹心孤易感秋
莫怪當歡卻惆悵全家欲上五湖舟

贈羅隱

一作姚合詩

羅衮

平日時風好涕流讒書雖盛一名休
寰區歎屈瞻天問夷陌聞詩過海求
向夕便思青瑱拜近年尋伴赤松游
何當世祖

從人望早以公台命卓侯

宛陵送李明府罷任歸江州

來鵲

菊花邨晚雁來天共把離盃向水邊
宮滿便尋垂釣侶家貧已用賣琴錢
浪生湓浦千層雪雲起爐峯一炷煙
倘見吾鄉舊知己爲言憔悴過年年

旅次洋州寓居郝氏林亭

方干

舉目縱然非我有思量似在故山時
鶴盤遠勢投孤嶼蟬曳殘聲過別枝
涼月照窗欹枕倦澄泉繞石泛觴遲
青雲未得平行去夢到江南身旅羈

春夕

崔塗

水流花謝兩無情送盡東風過楚城
蝴蝶夢中家萬里子規

詞山房詩卷三
枝上月三更故園書動經年絕華髮春惟滿鏡生自是不歸
歸便得五湖煙景有誰爭

鸚鵡洲眺望

張主春襟鬱未開重吟鸚鵡益堪哀曹瞞尙不能容物黃祖
年因解愛才幽島暖聞燕雁去曉江晴覺蜀波來誰人正得
風濤便一點輕帆萬里迴

過繡嶺宮

古殿春殘綠野陰上皇曾此駐泥金三城帳屬升平夢一曲
鈴闌悵望心苑路暗迷香輦絕繚垣秋斷草煙深前朝舊物
東流在獨爲年年下翠岑

己亥歲感事

正聞青犢起葭萌又報黃巾犯漢營豈是將皆無上略直疑
大自棄蒼生瓜沙舊戍猶傳檄吳楚新春已廢耕見說聖君
能側席不知誰自請長纓

南海旅次

曹松

憶歸休上越王臺歸思臨高不易裁爲客正當無雁處故園
誰道有書來城頭早角吹霜盡郭裏殘潮蕩月回心似百花
開未得年年爭發被春催

陪湖南李中丞宴隱溪

璋

竹林啼鳥不知休羅列飛橋水亂流觸散柳絲回玉勒約開
蓮葉上蘭舟酒邊舊侶真何遜雲裏新聲是莫愁若值主人
嫌晝短應陪秉燭夜深游

公子家二首

李山甫

曾是皇家幾世侯，入雲高第照神州。
柳遮門戶橫金鎖，花擁絃歌咽畫樓。
錦袖妬姬爭巧笑，玉銜嬌馬索閑游。
麻衣酷獻平生業，醉倚春風不點頭。

柳底花陰壓露塵，醉煙輕罩一團春。
鴛鴦占水能嗔客，鸚鵡嫌籠解罵人。
驪衰似龍隨日換，輕盈如燕逐年新。
不知買盡長安笑，活得蒼生幾戶貧。

僕射陂晚望

羅鄴

離人到此倍堪傷，陂水蘆花似故鄉。
身事未知何日了，馬蹄唯覺到秋忙。
田園牢落東歸晚，道路辛勤北去長。
卻羨無愁是沙鳥，雙雙相趁下斜陽。

登夏州城樓

羅隱

寒城獵獵戍旗風，獨倚危樓悵望中。
萬里山川唐土地，千年魂魄晉英雄。
離心不忍聽邊馬，往事應須問塞鴻。
好脫儒冠從校尉，一枝長戟六鈞弓。

重過隨州憶故兵部李侍郎恩知因抒長句

莊周高論伯牙琴，閒夜思量淚滿襟。
四海共誰言近事，九原從此負初心。
鷗翻漢浦風波急，鴈下鄖溪霧雨深。
慙媿蒼生還有意，解歌襦袴至如今。

東歸途中作

松菊蒼黃覆釣磯，早年生計近年違。
老知風月終堪惜，貧覺家山不易歸。
別岸客帆和鴈落，晚程霜葉向人稀。
買臣嚴助

讀書山房詩卷三
精靈在應笑無成一布衣

縣谷迴寄蔡氏昆仲

一年兩度錦城游前值東風後值秋芳草有情皆礙馬好雲
無處不遮樓山將別恨和愁斷水帶離聲入夢流今日因君
試回首澹煙喬木隔縣州

中元甲子以辛丑駕幸蜀

四首
之三

子儀不起渾瑊亡西幸誰人從武皇四海爲家雖未遠九州
多事竟難防已聞肝食思眞將會待遊畋致假王應感兩朝
巡狩迹綠槐端正驛荒涼

爪牙柱石兩俱銷一點渝塵九土搖敢恨甲兵爲棄物所嗟
流品誤清朝幾時睿算殲張角何意思愚人戴隗囂跪望巉山

重啓告可能餘烈不勝妖

白丁攘臂犯長安翠輦蒼黃路屈盤丹鳳有情塵外遠玉龍
無迹渡頭寒靜憐貴族謀身易危惜文皇創業難不將不侯
何計是釣魚船上淚闌干

送光祿崔卿赴闕

十年目斷望西轅此日慇懃聖主恩上國已畱虞寄命中朝
應聽范汪言官從幕府歸卿寺路向干戈見禁門鵷侶寂寥
曹署冷更堪嗚咽問田園

燕昭王墓

戰國蒼茫難重尋此中霸業想知音強停別騎山花晚欲弔
遺墟野草深浮世近來輕駿骨高臺何處有黃金因思郭隗

平生事不殉昭王是負心

下第東歸畱辭刑部鄭郎中誠

黃滔

去違知己住違親欲發羸蹄進退頻
萬里家山歸養志數年
門館受恩身鶯聲歷歷秦城晚
柳色依依灞水春
明日藍田
關外路滿天風雨
一行人

經李翰林墓

殷文圭

詩中日月酒中仙平地雄飛上九天
身謫蓬萊金籍外寶裝
方丈玉堂前虎靴醉索將軍脫
鴻筆悲無令子傳
十字遺碑
三尺墓只應詞客弔秋煙

寄岐山林明府

譚用之

岐山高與隴山連判牘無私穩
晏眠鸚鵡語中分
百里鳳凰

聲裏住三年秦無舊俗雲煙媚周有遺風父老賢莫役生靈
種楊樹一枝枝折灞陵邊

秋宿湘江遇雨

江上陰雲鎖夢魂江邊深夜舞劉琨秋風萬里芙蓉國暮雨
千家薜荔村鄉思不堪悲逐客旅游誰解重王孫漁人相見
不相問長笛一聲歸島門

秋夕書懷

劉兼

荒僻淹留歲已深解龜無計恨難任守方半會蠻夷語賀廈
全亡燕雀心夜靜倚樓悲月笛秋寒欹枕泣霜砧宦情總逐
愁腸斷一筋鱸魚直萬金

寄進士崔櫓範

鄭準

洛陽才子舊交知，別後干戈積詠思。
百戰市朝千里夢，三年風月幾篇詩。
山高雁斷音書絕，谷背鶯寒變化遲。
會待路寧歸得去，酒樓漁浦重相期。

塞下

沈彬

塞葉聲乾秋欲霜，寒山數點下牛羊。
映霞旅雁隨秋雨，向磧行人帶夕陽。
邊騎不來沙路失，國恩深後海城荒。
胡兒向化新成長，猶自千回問漢皇。

錢塘夜宴

張蠙

四方騷動一州安，夜列樽罍伴客歡。
臂栗調高山閣迥，蝦蟆更促海濤寒。
屏間環佩藏歌伎，幕外刀光立從官。
沈醉不愁歸棹遠，晚風吹上子陵灘。

晚春尋桃源觀

皎然

武陵何處訪仙鄉
古觀雲根路已荒
細草擁壇人迹絕
落花沈澗水流香
山深有雨寒猶在
松老無風韻亦長
全覺此身離俗境
元機亦可照迷方

贈淮西賈兵馬使

清江

破虜功成百戰場
天書親拜漢中郎
映門旌旆春風起
對客絃歌白日長
階下鬪雞花乍折
營南試馬柳初黃
由來吳楚多同調
感激逢君共異鄉

張舍人南谿別業

法振

新田繞屋半春耕
藜杖閒門引客行
山翠自成微雨色
谿花不隱亂泉聲
漁家遠到堪畱興
公府懸知欲厭名
入夜更宜

明月滿雙童喚出解吹笙

舊與公家熟勝將別各人交更宜

蘇州詩是半春將樂林間門長客竹山翠白如霜雨色餘非

是舍人南徐別業

去來

父同歸想謝靈運共異職

蘇州白日是謂平國無亦半非詩南歸思思黃山來吳越

如道直如白輝長天書縣我藥中須州門我故春風噴樓客

創想西買吳興別

南王

細谷詩云對衣面照數丈

劉師水南行山新有雨寒餘耳外半無風晴衣身全覺坦坦

九月何處青山映古蹟雲林似白雲草藥雖入我藥器甚

讀雪山房唐詩卷二十一終

劉然



